

Quorum alterum sumitur ab omnipotentiis Dei, quam Scriptura prae dicant. Alterum ab exemplis, tum a Scriptura, tum aliunde petitis.

CAPUT VI.

Posse corpus alicubi esse, et locum non occupare.

Primum igitur argumentum sumitur ab illis Scripturis, que dicunt esse apud Deum omnia possibilia, Matth. xix, Marc. xiv, Luke. i. Porro inter illa omnia esse etiam id, de quo nunc agimus, probari potest ex principiis adversariorum, ut supra fecimus in probando alio Catholiceorum pronunciato. Vide caput tertium.

Sed praeter ea probatur ex ipsa rei natura. Convenit enim inter nos, non debere excipi ab eorum numero, quae Deus potest facere, nisi ea, que implicant contradictionem.

Corpus autem esse alicubi, et non occupare locum, vel occupare, et non expellere alterum, nullam implicat contradictionem. Nam, id est implicare, repugnare essentia: non autem repugnat essentia magnitudinis, non occupare locum, aut non expellere alterum corpus. Id quod probatur primo, quia occupare locum, est quid posterius ipsa magnitudine: prius enim res in se magna est, et apta replere locum, deinde replet locum. Nihil autem posterior est de essentia prioris: essentiae enim in indivisiibus consistunt. Secundo, potest magnitudo intelligi, atque etiam definiri sine loco, sive repleione loci: imo nemo hactenus in definitione magnitudinis posuit locum. Et quod majus est, potest esse sine loco, ut patet de ultima sphera, et de corporibus, quae sine dubio a Deo collocari possunt supra convexum ultimam spherae: non igitur de essentia magnitudinis est occupare locum. Tertio, officium, seu functio non est de essentia ullius rei ere de: solum enim in Deo, qui infinitus, et simplicissimus est, idem est esse, et agere. At replere locum, et expellere alla corpora, et officium magnitudinis, et functio quedam externa: non igitur ad essentiam pertinet. Quarto, ita se habet moles, seu extensio ad magnitudinem, ut se habet gravitas ad corpus grave.

(1) Matth. XIX, 24; Marc. X, 25; Luc. XVIII, 25 et seq. — (2) Luc. XVIII, 27.

Nam ut magnitudo sua mole replet locum, et aliud corpus extrudit: ita corpus grave, sua gravitate ponderat, et alia corpora deprimunt. At non est de essentia gravis pondere, ut patet, quia in priori regione aqua, et aer non ponderat: igitur neque est de essentia magnitudinis replere.

Alterum argumentum sumitur ab exemplis divinae Scripturae. Primum exemplum est Matth. xix, Marc. x, Luc. XVIII: *Facilius est camelum per foramen acus transire, quam dicitum intrare in regnum coelorum.* Et cum Apostoli dicentes: *Quis ergo poterit salvus fieri?* Respondit Dominus: *Hoc apud homines impossibile est, apud Deum omnia possibilia sunt* (1). Ubi Dominus, cum dicit, possibile esse Deo, id quod difficulter est, significat esse etiam possibile id, quod facilius est: faciliter autem esse dicit, ut transeat camelus per foramen acus: igitur hoc Deo possibile esse voluit. At non potest camelus transire per foramen acus, nisi locum non occupando: aliqui magis esset minus suo minore.

Et præterea quomodo dicere hoc fiat, cerne non minus repugnare videtur rationi, ut camelus intret per foramen acus, quam ut corpus Christi contineatur in parva specie panis: imo minor est proportio foraminis acus ad camelum, quam hostiae consecratae ad corpus Domini, nisi quis dicat per camelum non intelligi illud magnum animal quod camelum vocamus, sed funem nauticum; ut quosdam sensisse testatur Theophil. in cap. xix Matth. Sed tunc erit quidem minor proportio corporis Domini ad hostiam consecratam, quam camelii ad foramen acus: tamen etiam hoc erit hominibus impossibile, ut Dominus dicat, et ut experientia docet. Quis enim intelligent, qua ratione possit crassissimum furis, quae nautici sunt, per foramen acus transire.

Addo, quod expositione communis Patrum animal gibbosum, non funem nauticum intelligit. Vide Origenem, Hieronymum, Hilarium, et Chrysostomum in Matthaeum: Ambrosium in Lucam, et Augustinum lib. ii. quest. Evangelic. quest. 47. Adde etiam, quod funis nauticus gracie scribitur per iota κέρδος, ut est apud Suidam, in Evangelio autem scribitur pereta κέρδος, qua voce non funem, sed animal Graeci intelligent.

Quod autem quidam dicunt, per foramen acus intelligi portam quamdam angustam

Hierosolymæ, per quam camelii intrare non poterant onus, nisi magno labore genua flecterent, (quam sententiam Cajetanus etiam approbavit) non solum fabulosum est, et sineculo fundamento assertum; nec solum Patribus omnibus repugnat, sed etiam verbis Domini adversatur, dicentes Luc. XVIII: *Quae impossibilia sunt apud homines, possibilia sunt apud Deum.* Quo modo enim ista impossibilia sunt apud homines, si poterat arte humana fieri, ut camelii genua flecterent, et intrarent?

Ex eodem refellitur, quod Pelagiani dicent apud Augustinum epistol. 89, quest. 4, verba Domini esse intelligendia in sensu diverso, non in sensu composito; ita ut impossibile sit divitem, si maneat dives, ingredi in regnum coelorum, non autem si abjectis divitiis desinat esse dives: et eodem modo impossibile sit camelum, si maneat camelus, transire foramen acus, non autem si extenuetur ad filii subtilitatem. Hec, inquam, refelluntur ex eodem fundamento. Nam non est impossibile apud homines, ut camelus transeat per foramen acus, si desinat esse camelus, et convertatur in subtilissimum filum. Quare Augustinus epistol. 89, quest. 4, recte docet, posse hominem divitem, etiam non desinat esse dives, per Dei gratiam, et potentiam ingredi in regnum coelorum; licet sine gratia Dei solis viribus nature non solum impossibile sit, sed etiam valde impossibile: omnibus enim hominibus impossibile est sine gratia Dei salvari, sed multo magis divitibus, quam pauperibus. Idem etiam Augustinus lib. de spiritu et littera cap. i. aperte docet, posse camelum per Dei potentiam transire per foramen acus, licet id nunquam sit factum, et nunquam fortasse futurum. Quod idem affirmat Gregorius Nazianensis lib. 4. de Theologia, et Origenes in cap. xix. Matth. ubi dicit, quomodo id fieri possit, soli Deo esse notum.

Alterum exemplum Scriptura est Joan. 20, ubi Evangelista scribit, Christum venisse ad discipulos, cum fores essent clausæ; et rursus post dies octo iterum ad eos intrasse januis clausis. Ex quo necesse est, ut corpus Christi, vel non occupaverit locum, cum transivit per janus clausas, vel se cum alio corpore penetraverit: quorum utrumque est impossibile viribus creatis, et intelligentiam nostram superat.

Hinc tamen locum depravare semper hereticis conati sunt. Nam et Berengariani, teste

Guitmundi lib. iii, negabant, Christum intrasse januis clausis: et nostro tempore Joan. Oecolampadius Christum intrasse volevit per fenestram, aut aliud aditum, cum fores essent clausæ, nec eas penetrare posset; quod accepisse videtur a Durando in iv dist. 44. quest. 6. qui satis temere singulare suas opiniones in medium adducit. Joan. Calvinus lib. iv Insti. cap. 17. §. 29. dicit, Christum divina virtute sibi aditum patet fecisse: atque id ipsum clarius explicans in ultima admonit, ad Wespahalon dicit, Christum intrasse januis clausis secundum Evangelium, quia non expectavit, donec Apostoli aperirent, sed ipse sui virtute ostium aperuit, vel etiam in nihilum rededit, et continuo restituit. Petrus autem Martyr lib. cont. Gardinerum object. 11. et 12. dicit, Christum intrasse per aditum patet factum, sive rarefecerit Dominus portas illas, sive extremam cedere jusserit.

At haec sunt mere corruptela, et depravationes Evangelii. Nam in primis Evangelista Joannes miraculorum Domini diligissimus enarrator, et qui aliqui non solet verba sine causa multiplicare, magno studio addere curavit: *Januis clausis*, idque non semel, sed bis. At si per fenestram intravit Dominus, aut aditu quocumque modo patet factum, nullum erit miraculum intrare januis clausis.

Deinde Lucas cap. 24, cumdem apparitionem narrans, dicit, Dominum repente constituisse in medio Apostolorum, et propterea spiritum esse putatum: que certe indicant, Dominum nullo strepitu facto, sed tota domo immota manente comparuisse.

Praeterea, Patres communis consensu agnoscent miraculum in eo, quod Dominus corpus suum solidum per aliud solidum introduxit. Vide Chrysostomum, Cyrillum, Augustinum, Euthymium, Theophylactum, in hunc locum Joannis. Et præterea Justum quest. 417. ad orthodoxos. Ambrosium in cap. ult. Luce. Amphilochium apud Theodoretum in secundo dialogo. Ephiphanius heres. 64. Hieronymum in epist. ad Pamphacium de erroribus Joan. Hierosolymitani. Leonem epist. 10. ad Flavianum. Gregorium hom. 26. in Evangelia. Bernardum ser. 1. de resurrect. et præter coeteros Hilarium lib. 3. de Trinit. ubi videtur prævidisse impudentiam nostri temporis hereticorum: « Integra, inquit, sunt omnia, et obserata, sed ecce assistit medius, cui per

virtutem suam universa sunt pervia. Nihil cedit ex solido, neque per naturam suam aliquid tanquam lapsu insensibili, ligna et lapides amittunt. Corpus Domini a sece non deficit, ut sece resumat ex nihilo; et unde qui assistit, in medio est? Cædit ad haec et sensus, et sermo, et extra rationem humana est veritas facti. Idecero ergo, ut de nativitate Domini fallimur, ita et de ingressu Domini mentiamur: dicamus factum non fuisse, quia intelligentiam facti non apprehendimus, et cessante sensu nostro, facti ipsius cesseret effectus. Sed mendacium nostrum facti ipsius fides vincit. Assistit Dominus clausa domo in medio discipulorum, et Filius est natus ex Patre. »

Addit, quod Patres maximam habuerunt occasionem negandi, Christum intrasse per januam clausam. Nam Marcioniste, Valentiniani, Origeniste, et alii, qui negabant veram corporis resurrectionem, ex hoc loco argumentabantur; ut patet ex Cyrillo, Epiphanio, Hieronymo locis citatis: non videtur enim verum corpus esse posse, quod januam clausam intrare potest. Huic autem objectioni facilime occurrere possent Patres, si dixissent, Christum, intrasse per fenestras, aut per januam a se ante patefactam, vel annihilatam: et tamen nulli unquam ante Berengari tempora ista solito venit in mentem; immo contra potius, ex hoc principio tanquam certissimo et explorato probabant alia dogmata. Nam Hilarius loco notato probat, non esse impossibile Deum Filium ex Patre generari sine ulla substantia paternæ diminutione, quandoquidem corpus Christi potuit ingredi per clausas januas sinecula lesione, vel sua, vel januae.

Tertium exemplum est de Domini nativitate: Exivisse enim Dominum de utero Matris clauso, inviolata videlicet manente integrata carnis, colligitur ex verbo Dei, et a Patribus disertis verbis assuritur. Nam B. Mariae virginitas in parte, habetur in symbolo Apostolico: *Natus ex Maria Virgine*. Symbolum autem Apostolorum, verbum Dei esse non scriptum. Catholici omnes fatentur, et heretici nostri temporis non solent aperte symbolum illud rejecere. Et haec veritas symboli ex illa Scriptura colligitur Ioseph. vii: «*Ecce virgo concepit, et pariet Filium*» (1), ubi dicitur non solum Virgo conceptura, sed etiam Virgo paritura. Ezech. xliv, describitur porta

(1) Ioseph. VII, 14.

quaedam clausa, per quam solus Dominus intrat, quam portam, uterum semper clausum Virginis Deipare esse docent, Ambrosius lib. de Instit. Virg. cap. 7. et Hieronymus in comment. hujus loci. Praeterea Jovinianus hoc nomine inter hereticos ponitur a Siro, et Ambrosio in epistolis, que sunt apud Ambrosium 80 et 81, et Augustinum lib. de heres. cap. 82, quod asseruerit, B. Mariam pariendo fuisse corruptam.

Idem Augustinus lib. xxii. Civitat. cap. 8. hoc ipsum probat alio simili miraculo, quod tempore ipsius accidit: scribit enim feminam quendam nobilissimam nomine Petroniam accepisse a quadam Judeo annulum in quo esset lapis quidam utilis ad sanandum morbum nescio quem, quo illa vexabatur; fuisse autem annulum illum capillario vinculo inventum, ac diligentissime alligatum; sed cum illa iret ad memoriam S. Stephani primi Martyris, apud quem vere curarera, ne tribueretur virtus miraculi alligatura judicata, repente annulum illum ante pedes mulieris aspersis illesum, illeso etiam vinculo, et undique diligentissime clauso. De hoc miraculo sic loquitur Augustinus: «Non credunt hoc, qui etiam Dominum Jesum per integræ virginitali Matris enixum, et ad discipulos suos januam clausis ingressum fuisse non credunt. Sed hoc certe querant, et si verum invenerint, illi credant. Clarissima femina est, nobiliter nata, nobiliter nupta, Carthaginæ habitat; ampla civitas, ampla persona, rem querentes latere non sinunt. Marty certe, quo impetrante illa sanata est, in filium permanentis Virginis creditit, in eum, qui ostiis clausis ad discipulos ingressus est, creditit» Idem B. Augustinus in epist. 3. ad Volusianum de utroque isto miraculo disserens, id est, de ingressu ad discipulos ostiis clausis, dicit in hujusmodi operibus totam rationem facti, esse potentiam facientis. Idem communis consensu docent alii Patres, qui etiam conjugantur haec duo miracula, ut Gregorius Nazianzenus in Tragedia: Christus patiens, Theodoretus Dialogo 2. Hieronymus in Apolog. pro libr. contra Jovinianum. Maximus hom. 2. de Natali Domini. Gregorius hom. 26. in Evangel. Fulgentius in serm. de laudibus B. Mariæ, et Bernardus serm. 1. de resurrect. Domini.

Pudet jam referre quid ad haec Durandus, vel Beza respondeant. Ille enim in iv. dist.

44, quest. 6. dicit, integra quidem fuisse claustra pudoris, sed tamen dilatatos a Deo fuisse naturales meatus, ac per eos liberum Christum exivisse. Iste autem in libro de omniprésentia carnis Christi contra Brentium ultra medium, audat dicere, Virginis uterum revulsum, et apertum Christo egrediente, sed continuo divina virtute coaluisse partes uteri, ut etiam post partum Virgo dici posset.

At quero primum, undenam ista didicirint? nec enim Scriptaram, aut Patrem ultimum proficer. Deinde, si dilatati sunt meatus, non peperit Virgo sine dolore: dolor enim parturientum in sola illa dilatatione consistit. Imo (si verum diceret Beza) supra omnes mulieres B. Virgo dolorem experta esset: gravius enim sentitur carnis revulsio, quam dilatatio. At ne Mahumetani quidem admitterent, B. Virginem dulorem peperisse. Praeterea, si ita esset, ut isti dicunt, B. Maria non fuisset virgo in parte, quia Virginem esse in parte, nihil aliud significare potest, quam in ipsa actione parendi inviolatam, illæsumque uterum permanente. At hoc negant isti, ut olim negabat Jovinianus. Nam quod Durandus ait, inviolata mansisse carnis integratatem, et solum meatus dilatatos, juxta doctrinam peritissimum medicorum, implicat contradictionem. Nam, ut Joannes Ferneius docet, in i. lib. de partum corporis humani descript. cap. 7. integratæ virginis amissio non in fractio membra alienus consistit, sed in sola dilatatione partium conjunctarum, seu coniugiarum. Verum nec post partum Virgo mansisset. Nam virginitas carnis semel amissa reparari nequit, ut recte ait Hieronymus in epistola ad Eustochium de custodia virginitatis. Nam etiam si possit iterum conjungi partes revulse, tamen fieri nequit, quin revulsa fuerint, si revulsa fuerint. Atqui esse Virginem, est nunquam fuisse corruptum.

Sed objicit Beza Ambrosius, etiolas quosdam Patres, qui dicunt, Christum aperuisse uterum Matris cum natus est. Sic enim scripsit Ambrosius lib. ii. in Luc. cap. 7: «Qui vulvam sanctificavit alienam, ut nasceretur Propheta, hic est, qui aperuit matris sua vulvam, ut immaculatus exiret». Similiter Origenes, hom. 14. in Lucam, et Tertullianus in lib. de carne Christi.

Ac de Tertulliano quidem ambiguum est, quid sibi voluerit, nec magis facienda est ejus auctoritas, cum contradicat aliis Patri-

bus, cum constet eum (ut Hieronymus loquitur) hominem Ecclesia non fuisse. De Origene, et Ambrosio, facilis solutio est: id enim solum docent, Christum sua virtute, non auxilio obstetricum, vel alia humana opera de utero egressum, sed ipsum sibi aperuisse aditum. Porro aperuisse sibi aditum per clausum uterum, non eum dividendo, sed mirabiliter penetrando, docet idem Ambrosius locis supra citatis. Sic enim ait in lib. de Instit. Virg. cap. 7. «Quae est haec porta, nisi Maria, ideo clausa, quia virgo? Porta igitur Maria, per quam Christus, intravit in hunc mundum, quando virginali fuso est parti, et genitalia virginitatis claustra non solvit. Mansit intertemperatum septum pudoris, et inviolata integratæ duravere signacula, cum exiret ex Virgine, cujus altitudinem mundus sustinere non potest». Et cap. 8: «Hæc porta clausa erit, et non aperietur: bona porta Maria, quæ clausa erat; et non aperiebatur: transiit per eam Christus, sed non aperitur». Origenes quoque tract. 26. in Matth. asserit, B. Mariam etiam post partum virginem fuisse.

Quartum exemplum est de egressu Domini ex clauso monumento. Nam, ut colligatur ex Matth. cap. 28. et Marco cap. 16, lapidem ab ostio monumenti non revolut Christus, cum resurrexit; sed post resurrectionem Angelus de celo descendit, et revolut lapidem, ut ostenderet sanctis mulieribus, quæ Christum ungere volebant, monumentum vacuum esse. Unde S. Hieronymus in epist. ad Hedibiam, quest. 6. docet, nulli homini nota esse horam, qua Dominus resurrexit, cum tamecum ex Evangelio satis constet, qua hora fuerit lapis revolutus a monumento.

Ad hoc argumentum Calvinus lib. iv. Institut. cap. 47. §. 29. Petrus Martyr in lib. contra Gardinerum, object. 11. Theodorus Beza in lib. de omniprésentia carnis Christi supra citato, non negant Christum surrexisse, atque exivisse de monumento antequam lapis amoveretur per Angelum: licet existimat probabilis esse, amotum prius fuisse lapidem: sed more suo respondet eodem modo, quo ad superiora, nimirum divina virtute lapidem ecessisse, vel annullatum, et continuo restitutum.

Sed ista non possunt ipsi probare, nisi propria auctoritate; cui nos objicimus testimonia Patrum, qui in eo ponunt miraculum, quod per clausum sepulchrum verum corpus exiverit. Justinus quest. 117,

Nazianzenus in Tragedia : Christus patiens. Chrysostomus homil. de sancto Joanne Baptista, tom. 3. Hieronymus in epist. ad Hedioham, quest. 6. Augustinus sern. 138. de tempore, qui est tertius de resurrectione. Beda hom. in vigilia Pasche. Euthymius in cap. 28. Matth. Bernardus sern. 1. de resurrectione.

Quintum exemplum est de ascensione Christi, et beatorum in celum. Nam fide cerissima tenemus Christum ascendisse super ounes celos, Ephes. 4. et similiter corpora beatorum post resurrectionem ascensura. Nulla autem est in celo ianua, nulla fenestra, nulla rima, per quam supra celum ascendi possit ; et ut dicitur Job. xxxviii : *Solidissimi quasi aere fusi sunt celi* (1). Necesse igitur est, ut possint plura corpora esse in eodem loco.

Ad hoc argumentum id solum responderi posse videtur, quod respondet Durandus in iv. distinct. 44. quest. 6. divina virtute celum dividit, quando corpora beatorum illuc ascendunt.

At si celum natura sua solidum est, et incorruptibile, ut fere omnes hoc tempore Theologi, et Philosophi docent, certe probabile non est, ut foramina in celo esse facienda, quod corpora beatorum ascendent, prasertim cum illa plurima sint futura. Sed quidquid de hoc sit, de corpore Christi non nisi temere dici potest, celos omnes disruptos fuisse, cum ipse ad Patrem ascenderet. Nam primo, Scriptura nusquam id habet ; imo contrarium insinuat, Hebreor. 4, cum dicit, Christum penetrasse celos. Et sane tam novum, et inauditus miraculum sine Scriptura testimonio affirmare, mirum est, si non insignis temeritas judicetur, prasertim apud eos, qui nihil credere volunt, nisi quod in divinis litteris continetur. Secundo, si corpus Christi clausis jannis in conaculum intravit, ut ex Scriptura ante probavimus, cum tamen faciliter potisset eas aperire, quanto credibilis est non disrupto celo, quod natura sua disrupisti nequit, idem illud corpus supra sidera collocatum.

Neque his repugnat, quod in Scriptura sepe legimus, apertum, vel divisum esse celum, ut Matth. iii. Joan. 1. Actor. vii. et x. et Apocal. xix. Nam Scriptura in his locis, loquitur de aperiione coli secundum apparentiam, ac metaphorice : significat

(1) Job. XXXVII, 18.

enim speciem quamdam in celos apparuuisse ac si dividetur. Non fuisse autem reales celi divisiones, vel ex eo colligi potest : quod eodem modo loquitur Scriptura de aperiione celi, que facta est in sola imaginatione et intelligentia, qualis est illa, quae describitur Actor. x. et Apocal. xix. et de ea, que facta est in oculis corporalibus, Matth. iii. Joan. 1. et Actor. vii. constat autem illam priorem non fuisse realem. Deinde, nulla fuit causa, cur celum dividi deberet. Nam Matth. iii, dicitur divisum celum, cum de celo Spiritus sanctus descendit in forma columbe : at neque Spiritus sanctus egebat celi aperiione, ut descendaret, cum sit ubique : neque ea columba de celo proprio dicto missa est, sed in aere, et ex aere producta fuit : tamen ut intelligentes homines, rem illam fuisse divinam, ita apparuit, quasi et summo celo missa fuisset. Joan. 1. dicit aperiri celum ob descensum Angelorum. Angeli autem cum spiritus sint, omnium consensu, per quilibet corpus penetrare possunt. Actor. vii., aperitur celum, ut S. Stephanus videat Christum in dextera Patris. At neque tum illa ratio fuit, cur celum scindi deberet. Nam aut oculis corporis, aut oculis mentis videt Stephanus Christum, celum autem cum sit perspicuum, aut diaphanum, neutram visionem impedit poterat. Itaque vocata est ex loco aperiō celi, non scissio corporis celestis, sed nova quadam illustratio, qua faciat est, ut oculis Martiris appareret, quod antea non apparebat : quemadmodum Lucifer ult. dicunt aperi oculi duorum discipulorum, quando Dominum agnoverunt ; non quod antea clausos oculos habuerint, sed quia tunc agnoverunt, quem ante cognoscere non potuerant.

Sextum exemplum est de penis damnatorum : sunt enim in his penis multa miracula difficultiora, vel aequa difficultas, atque est hoc, de quo agimus. Ac primum quod corpora damnatorum ab igne corporali comburantur, et vere, ac realiter torqueantur, et tamen non dissolvantur : nam dolor corporalis ad dissolutionem corporis tendit. Si est igitur in illis penis versus dolor corporalis, quomodo nunquam dissolvitur corpus ? si nulla dissolutio, unde dolor ? Itaque ethnici haec ridebant, ut impossibilia, et tamen Catholicis non propterea voluerunt unquam spiritualiter, vel metaphorice interpretari illa

supplicia, certo persuasi Deum posse facere supra id, quod cogitare possumus, vel intelligere.

Deinde, non minus difficile videtur, ut spiritus teneatur, et impediatur a corpore, ne transeat quocunque voluerit, quam ut corpus non teneatur, nec impediatur a corpore, sed libere transeat per solida corpora, ac si nulla esset : non enim minus convenientia spirituali non posse impedi, quam corporali posse impediri. At divina potentia alligat spiritus hominum, et etiam demorum in gehenna certis locis, et corporibus, quasi carcerebus, ut nullo modo egredi valent. Et quid opus est in gehennam descendere, ut hoc miraculum videamus ? an non potest unusquisque in seipso id cercere ? Siquidem animus noster spiritus est per se existens, et a corpore independens et tamen tam mirabiliter constitutus inclusus a Deo in corpore mortis hujus, quasi in carcere, ut non possit inde egredi, nisi prius corporis constitutio dissolvatur.

Denique, illud est supra modum mirabile in penis damnatorum, ut non solum anima, et daemones teneantur ab igne corporali, sed etiam affligantur, et torqueantur : quod tam difficile est, ut adhuc nemo inventus sit, qui ratione hujus rei, in qua illi aquiescerent, reddere potuerit. Nam si ignis incendium non affligit, nisi (ut diximus) dissolvendo continuum : quomodo potest intelligi ut affligat indivisibilem spiritum ? Vide de hoc toto argumento Augustinum lib. xxi. de Civit. Dei cap. 2, 3, 4, 5, 6 et 10, vide etiam epistol. 49, ad Deo gratias, quest. 6. ubi Augustinus quosdam reprehendit, qui quadam miracula Christianae religionis credebant, quadam credere solebant. Id enim rectissime in Sacramentarios convenit : deberent enim aut omnia credere, qua ex divinis litteris Ecclesia proponit, aut omnia negare.

Septimum exemplum sumitur a multis rebus similibus. Nam non magis convenient corpori quanto occupare locum, quam gravi ponderare, colorato videri, lucido luere, calido calefacere. Sed potest Deus efficiere, ut grave non ponderet, ut coloratum non videatur, etiam si sit in lumine, et medium sit diaphanum, et oculi astlani sint aperti et intenti : ut lucidum non luceat, et calidum non calefaciat. Car igitur facere non poterit, ut corpus quantum non occupet locum ?

(1) Luc. IV, 30.

Assumptio perspicua est in divinis litteris. Nam Math. 14. Christus et Petrus cum adiuc corpora mortalia haberent, super aquas ambularunt : et Ioseph in aqua Jordani non modo non descendebant, sed etiam ascendebant, et instar montis elevabantur, dum transire populus Dei : et simile miraculum scribitur a S. Hieronymo in vita B. Hilarius. Christus item non semel invisibiliter se fecit, ita ut a vicini hominibus non videretur ; cum tamen ibi esset, neque colorem amisisset, neque aliquid inter se, et illos opposivisset Luc. iv. *Ipsa autem transiit per medianum illorum ibat* (1). Et Joan. viii. abscondit se, ne lapidaretur : non autem se abscondit in aliquo angulo, quod nec decebat eum nec poterat commode fieri, cum esset in media turba, et omnium oculi in eum conjecti. Et Luc. ult., cum evanuit ex oculis eorum. Ex quibus locis Marcionita probare nitiebantur, Christi corpus non verum, sed phantasticum fuisse, ut B. Hieronymus refert in epist. ad Pannachium de erroribus Joannis Hierosolymitani, quibus ipse B. Hieronymus respondet : verum fuisse corpus Domini, sed divina virtute se invisible facere potuisse, qua etiam per janus clausas potuit penetrare. Idem etiam Domini corpus post resurrectionem solesto cœlesti lucidius est, ut Paulus testatur Actor. 26. qui et ex eius aspectu exacutus fuit : et tamen scipio apparuit Apostolis, et cum eis familiarissime conversatus sine ullo insolito splendore. Potuit ergo id efficiere, ut corpus lucidum non luceat : et sicut de corpore suo fecit, ita prorsus de sole isto cœlesti facere posset si vellet. Denique ignem divina virtute non calefacientem habemus Daniel. IIII. et sepe legimus in historiis Sanctorum. Qui ergo potuit tam multa æque difficilia, cur non potuerit hoc umum de quo disserimus ?

Respondet Petrus Martyr ad hoc argumentum in lib. cont. Gardinerum objecto 12. ac dicit, non esse similia exempla, quae adducimus : siquidem facile fuit Deo suspenderi gravitatem corporis, ne mergeretur in aqua, et actionem ignis, ne calefaceret ; non enim propter ea destrui naturam corporis, aut ignis : sed ut corpus sit præsens, et non occupet locum, non posse fieri sine destructione corporis.

At nostrum argumentum, non est nostrum sed Patrum, qui illam ipsam consecutionem

probant, quam Petrus Martyr improbat. Nam Justinus quest. 117. ad Orthodoxos. Hieronymus in Epistola de erroribus Joannis Hierosolymitani, et in epist. de obitu Pauli; Augustinus in lib. de Agone Christiano, cap. 24. et Cyrillus lib. xii. in Joan. cap. 53. qui objecerunt hereticis non potuisse Christi corpus intrare per clausas januas, objecerunt exemplum de ambulacione Christi, et Petri super aquas, et Augustinus lib. xii. de civitate Dei, cap. 18, et lib. xxii. cap. 4 et 11. multum laborat, ut respondet Gentilibus, qui putabant, fieri nullo modo posse, ut corpora terrena, id est, humana, post resurrectionem supra aerem ascenderent, cum ipsa graviora sint aere.

Praterea ratio plane convincit, exempla esse similia. Nam tota ratio cur possit divina potentia fieri, ut grave non ponderet, lucidum non lucent, calidum non calefaciat, coloratum non videatur, est, quia causa est prior effectu, et proinde ab eo non pendeat, et sine illo esse potest. At eadem ratio vallet in magnitudine, quae est causa, et occupatio loci, quae est effectus. Neque multum interest, sine causa formalis, an efficiens, quod ad rem presentem pertinet. Nam etiam effectus formalis a sua propria causa separari nequeat, et ideo non possit a Deo supponi, possit autem effectus efficientium causarum: tamen causa ipsa quecumque, etiam formalis, sine suo effectu esse potest, cum nulla causa ab effectu pendeat. Adeo, quod gravitas in eodem genere causa dat corpori gravi ponderare, in quo moles dat quanto replere: et tamen fatetur Petrus Martyr posse Deum facere, ut corpus grave etiam extra regionem suam non ponderet.

Quod autem videatur destrui natura corporis (ut dicit Petrus Martyr) si non occupet locum, idem etiam videatur in exemplis allatius. Nam si lapis ingens marmoreus, Deo impedit gravitatis officium, duobus digiti attolliti posset, instar plume hue atque illue jactari, quis non dicaret, illud videri marmor, sed non esse? Et si ignis ardens, Deo impedit actionis calorem, manibus tractari posset sine ullo sensu caloris, quis non dice ret depictum illud esse, non verum ignem? et si nivea candidissimam manibus traclaremus, et tamen videre non possemus, quis non arbitraretur se deludi. Denique si sole in medio celo conspicemus non lucentem et nihil tamen interpositum esse videberemus, quis non assereret naturam solis mutatam

esse? Si igitur fieri possunt ista omnia sine destructione naturae, ut Petrus Martyr affir mat, licet ignorantibus miraculum videatur omnino destro natura in ejusmodi suspen sione causalitatem: eur non idem fieri poterit in magnitudine locum non occupante?

CAPUT VII.

Solvuntur objectiones adversariorum.

Duo sunt adversariorum argumenta prae cipa. Unum ex Augustino in epistola 37 ad Dardanum, quod et a Calvinio, et a Petro Martyre milites repetitur; sic enim Augustinus loquitur: « Non potuit obtinere quantitas corporis, quod potuit qualitas; nam ita distantibus partibus, quae simul esse non possunt, quoniam sua quaque spatia locorum tenent, minores minor, et majora maiores, non potuit esse in singulis quibusque partibus tota, vel tanta, sed amplior est quantitas in amplioribus partibus, brevior in brevioribus, et in nulla parte tanta, quanta per totum. » Et infra: « Spatia locorum tolle corporibus, et nusquam erunt; et quia nusquam erunt, nec erunt. » Et supra jam dixerat, destrui naturam humanam Christi, si non detur ei certum spatium, quo more aliarum rerum corporatarum contineatur.

Respondeo: Augustinus in ea epistola quedam dicit de corpore Christi, quedam de corporibus generatis, quae non sunt confundenda. De corpore Christi docet, illud non esse ubique diffusum, ita ut forma, et figura humana careat; id enim esset naturam ejus destruere. Sic enim loquitur initio epistole: « Hinc fortasse intelligendum dicis. Paradisi quasi in aliqua coeli parte compositum; aut quia ubique Deus sit, hominem quoque illum qui in Deo sit, ubique esse diffusum. » Et infra hoc ipsum refellens: « Si venturus est, inquit, illa Angelica voce testante, quemadmodum ire visus est in coelum, id est in eadem carnis forma, atque substantia; cui profecto immortalitatem dedit, naturam non absumit. Secundum hanc formam non est putandus ubique diffusus: cavendum est enim, ne ita divinitatem astruum hominis, ut veritatem corporis auferamus. Non est autem consequens, ut quod est in Deo, ita sit ubique ut Deus. » Hec ille: nec alia dicit de corpore Christi in particulari.

Hec autem directe pugnant cum sententia

Ubiquistarum Lutheranorum, qui per unionem hypostaticam, ita Christi corpus ubique diffusum esse volunt, ut nusquam servet figuram, formam et situm humano corpori convenientem: quod est (ut Augustinus dicit) destruere naturam humanam Christi. At nos fatemur Christi corpus non esse ubique diffusum; et ubicumque est, habere suam formam et figuram humanam, et partum situm, ac dispositionem; quoniam haec figura, forma, dispositio partium in celo conspicuerat, ubi locum replet; in Sacramento autem sit quidem, sed non replet locum, nec videri a nobis possit: quemadmodum etiam ut super diximus, non caruit figura, et forma Christus, cum se non semet invisibilis fecit; neque carne, et ossibus caruit, quando super aquas ambulavit, et per clausas portas intravit.

Jam vero de corpore generatis duo dicit Augustinus. Primo corpora magnitudinem habentia extensa esse, et habere certum ordinem partium, et proinde non posse fieri ut tanta sit magnitudo unius partis, quanta totius; vel tanta in parvo corpore, quanta in magno: cuius contrarium videamus non solum in rebus spiritualibus, sed etiam in qualitatibus corporalibus. Nam eadem anima, et tota potest esse in parte corporis, et in toto corpore; similiter in parvo corpore, et in magno; et potest fieri, ut tantus sit candor, vel calor in parte corporis quantum in toto, imo etiam ut maior sit candor, vel calor in parvo corpore, quam in magno.

Que omnia verissima sunt, et nihil pugnant cum sententia nostra de Eucharistia; quia solum requirit Augustinus, ut omne verum corpus sit extensus in se, non autem ut necessario coextendatur loco. Quod si in verbis Augustini primo loco allegatis al hereticis, fit mentio loci, id sit, quia a posteriori probat Augustinus corpus in se extensem esse ex eo quod occupat certum spatium loci, sed non inde sequitur non posse extensem esse in se, nisi occupet locum. Ac per haec explicata manent prima verba Augustini supra citata: « Non potuit obtinere quantitas, etc. »

Secundo Augustinus dicit, corpora ita esse in loco, ut pendeant a loco, cum e contrario Deus ita sit in loco, ut non pendeat a loco, sed potius locus pendeat a Deo. Sed hoc dictum intelligendum est de corporibus, quae sunt infra coelum, et quatenus naturaliter existunt: nam aliqui falsum esset. Siquidem, ut soror diximus, ultimum coelum non

est in spacio, vel loco aliquo, sed est in seipso, et in Deo; et sicut ultimum coelum non egit ullum spacio in quo sit, ita possit sine dubio Deus conservare alia corpora sine spatio, tametsi naturaliter egeant spatio.

Neque mirum, aut durum videri debet dictum Augustini non esse verum absolute, sed solum cum duabus illis limitationibus: id enim abunde sufficit proposito ipsius; solum enim docere volebat, Deum ita esse in loco, ut non pendeat a loco. Ut autem ostenderet, quid sit esse in loco, et non pendere a loco, explicuit per contarium, quod est nobis notius, id est, per exempla corporum, que ita sunt in loco, ut pendeant a loco: ad hujus autem exempli veritatem satie est, si quedam corpora non possint naturaliter existere, nisi in loco sint. Atque hinc explicata manent illa alia verba: « Spatialorum tolle corporibus etc. »

Altera objecio philosophica est: nitunt enim ostendere destrui essentiam quantitatis, si aliqui ponatur, et tamen non occupet locum. Sic enim Calvinus argumentatur lib. iv Insti. cap. 17. § 29. « Hec est propria corporis veritas, ut spacio contineatur, ut suis dimensionibus constet, ut suam faciem habeat: facessat igitur stultum illud commentum, quod tam mentes hominum, quam Christum pani affligit. » Secundo Petrus Martyr in lib. contra Gardinerum objecto 74. probat, quedam esse ita intrinsecam rei, ut licet sint posteriora, tamen separari nequeant ulli modo: « Nam facultas intelligendi est posterior ipsa hominis essentia, cum illa qualitas, ista substantia sit, et tamen non potest separari ab homine facultas intelligendi, neque enim homo erit, si ratione careat. Similiter quantitas est posterior corporata substantia, et tamen separari nequeant sine interitu substantiae. Sed occupare locum, est quedam intrinseca proprietas quantitatis; ergo separari non poterit a quantitate, licet posterior sit. » Tertio idem ibidem argumentatur: « Non potest separari quaternarius a modo quaternarii, ita ut existat per modum unitatis, ergo nec poterit linea, aut alia quantitas continua separari a modo suo, ita ut existat non extense sed indivisibiliter. » Huc pertinet aliorum etiam argumentum, quod sit quartum: « Non potest substantia existere nisi substantialiter; ergo nec quantitas, nisi quantitative. » Et aliud quod sit quintum: « Non potest ullo modo spiritus indivisibilis existere per modum corporis

divisibiliter, et extense; ergo nec potest corpus divisibile existere ullo modo per modum spiritus indivisibiliter. » Sextum: « Videtur implicare contradictionem ut corpus trium cubitorum contineatur sub dimensionibus frustuli panis unius digiti: nam si ita fiat, erit idem corpus majus, et minus; et proinde magis et non magis respectu ejusdem. » Septimum: « Si corpus Domini suam habet in Eucharistia figuram, et partium distinctionem, et ordinem; ergo distant pedes magis quam pectus a capite. At distanta major, et minor sine relatione ad locum intelligi nequit: illa enim magis distant inter se, inter qua magis intervallum interjectum est. » Octavum: « De essentia quantitatis est habere partem extra partem; ergo ubi est est una pars, non est alia; non igitur tota quantitas corporis Domini in eadem hostie particula esse potest. »

Sed haec omnes solvi possunt ex fundamentis iactis cap. 5. Ad primum igitur Calvinii argumentum, respondeo illum admisuisse vera falsis, ut aliquid dicere videretur. Nam quod ait ad corporis veritatem requiri, ut suas dimensiones, et suam faciem habeat, verum est: neque nos dicimus, Christi corpus in Eucharistia dimensionibus, aut facie carere. Quod vero addit, requiri etiam, ut spatio contineatur, falsum est, ut supra ostendimus. Et sanc si ex tota hae aula, in qua nunc sumus, Deus totum aerem auferret nee aliud ingredi patereret, nos omnes retineremus dimensiones nostras, et facies, et tamen nec spatio contineretur, nec illus alterius faciem videret.

Ad secundum Petri Martyris dici posset in primis illa non esse similia, que ipse ut similia adducit. Nam replere locum est actus quidam, non potentia, at facultas intelligendi est potentia, non actus: et magis absurdum est, rem carere potentia, quam actionem. Unde nos qui dicimus quantitatem aliquando divino miraculo non replere locum: tamen simul dicimus, illam ex se aptam esse replere locum, et repleturam, si sue naturae relinquatur.

Deinde etiam respondeo facultatem intellegendi per divinam potentiam tolli posse nec tamen inde sequi, ut homo desinat esse homo, sed tantum, ut desinet exercere, quae homini sunt, quia instrumentis actionum humanarum caret: quemadmodum infantes ac moriones homines sunt, quia rationabilem animum possident, licet non minus careant

usu intelligendi, quam si facultatem illam penitus non haberent. Quod idem dico de substantia, et quantitate; licet enim naturaliter sejungi nequeant, tamen nullam involvit contradictionem, ut unum sine altero sit.

Ad tertium ejusdem respondeo quaternarium non posse separari a modo quaternarium essentiali, sed posse ab accidentario, id est, non potest fieri, ut quaternarius redigatur ad modum unitatis, ita ut quatuor homines sint unus homo: sed potest fieri, ut redigatur ad locum unitatis, ita ut quatuor homines occupent locum unius hominis. Et eodem modo non potest linea, vel corpus separari a modo suo essentiali, ita ut fiat in se indivisible, sed potest tamen separari a modo accidentario, ita ut non occupet locum divisibilem.

Ad quartum de substantia, que non videtur posse existere, nisi substantialiter, respondeo eodem modo, substantiam non posse separari a modo suo essentiali, quod fieri, si inhaeret in subiecto more accidentium: tamen posse separari a modo suo intrinsecum et proprio, sed non essentiali, qui est per se existere. Nam substantia humanitatis Christi, ab isto modo separata est, cum existat in verbo, et non habeat propriam subsistentiam: sic igitur, et quantitas non potest existere nisi quantitative, quantum ad essentialium modum, quia non potest existere sine extensione, et partium distinctione in se; tamen bene potest existere non quantitative in ordine ad locum, ut scipe diximus.

Ad quintum de spiritu et corpore, respondeo, ex eodem principio colligi posse, cur non possit spiritus extendi in loco, et possit corpus non extendi. Nam extendi in loco est effectus formalis extensionis in se: ideo enim potest aliquid extendi in loco, quia in se est extensus, non et contrario. Potest autem causa formalis ab effectu separari, non contra effectus a causa; quia causa prior est, effectus posterior. Hinc igitur potest corpus in se extensus non extendi in loco, quia per hoc separatur tantum causa ab effectu: non autem potest spiritus in se indivisibilis extendi in loco, quia per hoc ponetur effectus formalis sine causa, et posterius sine priore: quod fieri nequit.

Ad sextum respondeo, si consideremus dimensiones corporis Christi seorsim, et dimensiones hostie consecratae, maiores multo esse illas, quam istas: tamen si consideremus easdem corporis Domini dimensiones, ut sub

specie panis ineffabiliter continentur, non esse maiores, nec minores, quia non commensurantur illae istis, sed existunt sine ordine ad locum, eo modo fere, quo anima est in corpore, quae nec minor, nec maior corpore dici potest.

Ad septimum respondeo, distantiam, que est inter membra corporis, quatenus in se extensem est, non esse distantiam localem, sed alterius cuiusdam generis: dicuntur enim ea distare inter se, que non sunt immediate conjuncta; et ea magis distare, inter quae plura sunt interjecta, et non interralla, sed membra. Quod perspicue cernitur in corpore humano, quod supra celum collocatum esse cogitare possemus: in eo siquid distarent pedes a capite, non per spatium locale, quod ibi nullum est, sed per interjectionem pectoris, aliorumque membrorum.

Ad octavum, quod omnium videtur esse difficillimum ob ingenii humani imbecillitatem, respondeo, corpus quantum habere partem extra partem, si illud (extra) dicat habitudinem ad subiectum, non autem si dicat habitudinem ad locum. Et similiter cum in argumento colligunt: Ergo ubi est una pars, non est alia; dico recte colligi, si illud (ubi) dicat situm internum partium in subiecto, non autem si dicat situm in loco; et hoc modo intelligitur quod ait Philosophus in predicamento quantitatis quandam speciem quantitatis constare ex partibus habentibus positionem: loquitur enim de positione in toto, sive subiecto, non de positione in loco.

Sed contra solutionem quidam acute instat: Corpus quantum habet partem extra partem in ordine ad totum seu subiectum, ergo et in ordine ad locum. Probatur consequentia. Nam pars corporis coexistit certa parti loci: vel ergo eidem parti loci coexistit alia pars corporis; vel non; si non, ergo etiam in loco habet corpus illud partem extra partem, et proinde non est totum in qualibet parte: si coexistit, ergo etiam inter se partes corporis coexistunt. At hoc fieri nequit, cum inter se distent, et una sit extra aliam, ut dictum est.

Respondeo: Nego primam illam consequentiam: Ergo et in ordine ad locum habet partem extra partem. Ad probationem dico duas partes corporis, coexistere eidem parti loci. Cum inferatur: Ergo coexistunt etiam inter se; dico coexistere etiam inter se in loco, non tamen in subiecto: cuius ratio est scipe redditum, quia videlicet extensio, et dis-

tinctio partium in subiecto non impeditur, nec impedi potest, cum sit essentialis; et extensio, et distinctio quoad locum impeditur possit, et reipsa impeditur a Deo, cum corpus Domini in Sacramento maneat. Sed de his satis.

Ostenditur Deum voluisse, et fecisse, ut re ipsa corpus Domini in Eucharistia praesens adesset.

Demonstravimus haciem non esse impossibilem Deo corpus Domini in Eucharistia Sacramento vere ac realiter constitutum: sequitur videamus, an voluerit id facere. Et Sacramentarii quidem uno ore Deum noluisse dicunt, quidquid tandem de potentia sit: id vero non aliter probant, nisi quia non videbat id neque utile, neque decens. At nos habemus omissis etiam Scripturis, et Patribus, testimonia credibilia nimis, et ad quenlibet omnino responderi possit ab his, qui Christiana fidei nomen dederunt.

Ad primum quidem argumentum sumitur a natura, et conditione heresis. Illa enim tam apte quadrat in opinione Sacramentariorum, ut nulla sit in mundo heresis, si illa non est heresis. Quod si illa est heresis, contraria erit veritas fidei, proinde veritas a Deo revelata: atque ita constabit Deum hoc voluisse, et fecisse.

Conditio primaria heresis est novitas doctrinae, ut veritatis Catholicae antiquitas. Porro novitas his conjecturis convincitur, si notari possint auctor, locus, tempus, si incipiat cum paucis sectatoribus, si cum admiratione, et perturbatione fidelium appareat; et si ei contradicatur, ad judicium et examen adducatur, et tandem a concilio Episcoporum, et consequenter a populis fidelibus condemnetur. Id enim in omnibus heresibus gravioribus inventur, ut in Ariana, Nestoriana, Eutychiana, Pelagiana, et similibus.

Jam sententia Sacramentariorum habet auctorem suum certum, Berengarium Turenensem natione, et Andegavensem Archidiaconum. Patet ex Paschasio, qui in lib. de verbis Institut. Sacramenti, affirmat suo tempore non defuisse aliquos, qui quæstiones moverent de veritate corporis Domini in Eucharistia (fuerant enim Joannes Scotus, et Bertramus) tamen nullum fuisse, qui